

Alkitab Sagan Kakanakan Mengenal akan

Pamuka
Rumah Tuhan
Mangunjungi
Yesus



Panulis: Edward Hughes

Nang manggambar: Byron Unger; Lazarus
Alastair Paterson

Nang manyusun: M. Maillot; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang


Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Pas hari ngintu Yesus manuju ka rumah Allah, Inya mandapati urang-urang nang kada manghormati rumah Allah. Buhannya manjual binatang lawan manjadi tempat manukar uang!



Maulah cambuk matan tali, Yesus manunjuk buhan panjual kaluar matan rumah Allah. "Bawa samunyaan barang kaluar!" Parintah-Nya "Jangan maulah rumah Abah Ku hagan wadah badagang!" Yesus mancintai banar rumah Abah-Nya.






Buhan pamuka maminta tanda pada Yesus baisyi ha khagan mausir urang matan rumah Allah. "Rubuhakan rumah Allah ngini Aku akan mandiriakan dalam talu hari," Ujar Yesus. Kada mungkin. Rumah Allah ngini dibangun dalam waktu ampat puluh anam tahun.



Tapi Yesus bapandir tantang awak-Nya. Sarupa lawan rumah Allah, awak-Nya adalah wadah Allah badiam. Yesus tahu inya pacangan mati di kayu salib, Inya tahu Allah pacangan mambangkitkan inya matan kubur pada hari katalu.





Pas malamnya saurang matan pamuka rumah Allah mangunjungi Yesus. Inya tahu mukjizat nang diulah Yesus barasal matan Allah Bapa. Nikodemus bakunjung ka Yesus hagan balajar tantang Allah.





Yesus baucap ka
Nikodemus pada
urang harus lahir
hanyar hagan kawa
masuk ka karajaan
Allah. Nikodemus
kada mangarti.
Kayaapa urang
nang sudah ganal
jadi bayi baasa?
Dihiga ngintu
inya taat banar
baagama. Ngintu
kada mayukah?





"Nang lahir
matan ruh
adalah Ruh."
Yesus
manjalasakan.
"Ruh Allah kaya
angin. Urang
kada kawa
malihat atau
mangarti angin.
Buhannya kawa
malihat napa
nang di ulah
ulih angin."






Yesus maingatakan Nikodemus tantang bangsa Israel nang katuju mangaluh ka Musa pas masa nang lalu, "Kita kada baisi makanan, kada baisi banyu, lawan kada katuju ruti nang dibari Allah ka kita," Ujar buhannya.



Dusa buhannya maulah
Allah sarik. Inya mangirim
ular baludak diantara buhannya.
Ular ngintu maigut buhannya.
Batimbun nang matian.



"Kita badusa. Badua supaya Allah manyingkirakan ular-ular." Pinta urang-urang. Musa badua hagan buhannya. Tapi Allah kada manyingkirakan ular-ukar ngintu.



Allah basaru ka Musa hagan
maulah tungkat babantuk ular.
"Siapa nang diigut pacangan hidup
pabila malihati tungkat ular," Janji
Allah. Musa maulah tungkat ular
matan tambaga lawan siapa nang
manatap pacangan wagas.





Yesus maucap ka Nikodemus
pada Anak Manusia harus
diangkat kaya tungkat
tambaga. Yesus maucap
tantang salib dimana
inya mati Hagan
dusa-dusa manusia.





Yesus baucap, "Ulih ganalnya

kasih Allah hagan dunia
sampai inya mangaruniaikan
Anak sulung-Nya, supaya
siapa nang parcaya lawan
Inya kada pacangan
binasa malainkan
baulih hidup
nang kakal."



Ngini bararti pada siapa
nang parcaya lawan
Yesus bararti
lahir kadalam
kaluarga Allah.



Barangkali Nikodemus kada jadi murid Yesus pas malam ngintu. Tapi babarapa tahun imbah ngintu, Nikodemus manujukakan pada inya mancintai lawan parcaya ka Yesus lawan manbantu manguburakan Anak Allah nang mati di salib.



Imbah ngintu, Yesus lawan murid-murid-Nya manuju ka utara. Urang lain parlu jua mandangar tantang karajaan Allah, lawan baisi kasampatan hagan parcaya ka Yesus matan Nazareth, Anak Allah.



Pamuka Rumah Tuhan Mangunjungi Yesus
Sabuting kisah matan Firman Tuhan, Alkitab
Taulih dalam
Yohanes 2-3, Bilangan 21

"Amun tabuka, firman-firmanPian mambari
pamahaman." Mazmur 119:130



Tuntung



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

